

他山又石

聖武記

商

ル 2
3109
2



門 凡 2
號 3109
卷 2

康熙乾隆俄羅盟聘記


乾隆征緬甸記

入緬路程

乾隆征撫安南記

嘉慶東南靖海記

早稻田 大學 圖書館
號 27.6.16 雙
藏 書



聖武記

聖武記摘錄

康熙乾隆俄羅斯盟聘記

邵陽魏源撰

俄羅斯國至明始大其地衰絡滿洲蒙古新疆衛藏之西北境與中國相首尾其國都在大西洋而東接黑龍江者特其邊鄙云自古不通中國其與中國交兵通盟聘皆自康熙二十餘年之察罕汗始察罕汗以前二十三世曰伊番瓦什里玉特者當元明之際始稱汗初俄羅斯處西北近海計由之地臣服于元及元亡後俄羅斯族姓亦內亂其部長乞援于西北之西費雅國假其兵力服屬諸侯而割那爾瓦城賄之自立為汗其國寢強距察罕汗三百五十餘年第十

聖武記卷二

門 凡 2
號 3109
卷 2

聖武記
卷之二
聖武記
卷之二

聖武記

卷之二

聖武記摘錄

邵陽魏源撰

俄羅斯國至明始大其地衰絡滿洲蒙古新疆衛藏之西北境與中國相首尾其國都在大西洋而東接黑龍江者特其邊鄙云自古不通中國其與中國交兵通盟聘皆自康熙二十餘年之察罕汗始察罕汗以前二十三世曰伊番瓦什里玉特者當元明之際始稱汗初俄羅斯處西北近海計由之地臣服于元及元亡後俄羅斯族姓亦內亂其部長乞援于西北之西費雅國假其兵力服屬諸侯而割那爾瓦城賄之自立為汗其國寢強

距察罕汗三百五十餘年第十

聖武記卷之二

早稻田大學圖書館
27.6.16
藏書



三代汗當明嘉靖時南滅庫程汗阿斯坦拉汗遷其人于阿爾泰山北遂南與韃靼瓦剌隣有大斯科四曰計由斯科其北海舊都也曰莫克達斯科其新都也曰西畢爾斯科東按今黑龍江及漠北蒙古曰喀山斯科西接今雅爾哈薩克其新闢之地也又百有三十餘年而至察罕汗當康熙世最強盛又兼并斯科三曰司馬廉斯科曰郭羅多阿爾哈連斯科曰佛羅尼斯科于是有大斯科七斯科者若中國省治一大斯科所屬小斯科數十若府治柏興數百若縣治也蒙古語謂民居曰拜姓明史謂之板升皆與柏興音近俄羅斯隣蒙古或語同云每大斯科設總管官一曰噶噶林猶中國總督每小斯科及柏興設頭目猶守令其疆域東西北三面際海東西二萬

餘里南北六千里其水皆入北海其山川城郭人物畜牧種植痘疫五方風氣部類別處師兵羅衛與中國大同其教崇耶蘇以之紀年其書橫行自左而由東合拉提諾西合托忒烏珠克而轉譯蒙古清漢文拉提諾者西洋字體托忒者厄魯特字體烏珠克者唐古特字體康熙四十四年俄羅斯貿易使至上閱其文字謂兼三體云初俄羅斯東邊接黑龍江者以外興安嶺為界當明末季我大清兵方定黑龍江索倫達瑚拉及使犬使鹿各部東北際海而俄羅斯東部曰羅利者亦踰外興安嶺侵徧黑龍江北岸之雅克薩厄布楚二地樹木城居之兩師相值各罷兵既又南向侵掠布拉特烏梁海奪四佐嶺崇德四年大兵再

定黑龍江，毀其木城歸而未及戍守也。兵退而羅利復城之。順治十一年，遣兵於黑龍江逐之。十五年，調高麗兵逐之。又數遣大臣督兵，皆以餉不繼半途返。順治十二年，十七年，俄羅斯兩附貿易商人至京師者，奏書于世祖，絕不及邊界事。康熙十五年，貿易商人尼果齊等至，聖祖召見之。貽察罕汗書，令約束羅利母寇邊，久之未答也。而羅利復東掠人畜于赫哲費雅哈地，藪我逋逃，阻我索倫貂貢。將割據黑龍江北東際海數千里，甌脫地上，以其密邇留都，不可使異族偏處。又重開邊釁，乃于二十一年，遣都統彭春等，以兵獵黑龍江，徑薄其郭，偵形勢于墨爾根及齊哈爾，各築城戍之。置十驛通水運。又令喀爾喀車臣汗斷

其貿易，令戍兵刈其田稼以困之。羅利猶負固。二十四年四月，官兵乘冰解水陸並進克其城，徙其人歸雅庫舊部。二十五年正月，羅利復以火器來據城，我師圍攻之，死守不去。時荷蘭貢使在都，稱與俄羅斯隣，乃賜書付荷蘭轉達其汗。時察罕汗已卒，新察罕汗嗣立，知中國東方距已遼遠，且限以行國，非若西北之西費雅西南之圖里雅近在肘腋所必爭也。海道往還迅速，九月後書即至，言中國前屢賜書本國，無能通解者。今已知邊人構釁之非，即遣使臣詣邊定界，請先釋雅克薩之圍。明年使由北方陸路至喀爾喀，土謝圖汗境，文移往復。二十八年十二月，始與我大臣察額圖等會議于黑龍江，一循烏倫穆河上游之

右大興安以至于海凡山南流入黑龍江之溪河盡屬中國山北溪河盡屬鄂羅斯一循流入黑龍江之額爾呼納河爲界南岸盡屬中國北岸屬俄羅斯獵人踰界者禽之商旅無文票者禁之有逃亡者還之乃歸我雅克薩尼布楚二城定市于喀爾喀東部之庫倫而立石勒會議七條滿漢拉提諾蒙古俄羅斯五體文于黑龍江西岸于是東北數千里化外不毛之地盡隸版圖初新察罕汗故梟雄兒童時好爲戰鬪戲及卽位同戲諸人皆爲將日事攻戰二十年不解甲遣使索其前世所割之那爾瓦城于西費雅國不與連兵數載竟并其地數千里以已名名之曰散丕特里普爾斯科而遷都之于是其國大斯科八其七道

置噶噶林鎮守之而都城置大臣四總八道之治又與圖理雅國之控葛爾汗爭阿藻城并徵七爾扈特兵爲助大戰拔城控葛爾汗請和乃還其城而盡奪阿藻東北地其兵長火器准噶爾之擾喀爾喀及中國也動言借俄羅斯火槍兵六萬以張聲勢其實俄羅斯方西用兵無南侵意也及康熙三十五年噶爾丹敗滅五十年土爾扈特使由鄂羅斯至土爾扈特者本與厄魯特爲四瓦刺之一于明季與厄魯特不睦西越哈薩克投俄羅斯俄羅斯以其行國也指喀山額濟勒河之南圖里雅之東哈薩克之北馬魯托哈無城郭地與之使游牧已七八十年矣至是聞準夷敗滅來貢聖祖欲悉其要領乃使兵部郎中圖理琛等

往報之、假道鄂羅斯、經西卑爾及喀山兩斯科、往反行三載、以五十四年三月歸、繪圖呈御覽、又爲異域錄數萬言、記其所經河道、皆流入北海、其近北海處、夏至無夜、國水入北海者有色、稜格河在土謝圖汗部、受鄂爾昆河土臘河之水、經鄂羅斯境、而入北海、使命往來、皆由此出入焉、我使臣過境時、邊臣以察罕汗命、厚致禮餼、以兵護行、時察罕汗春秋四十有一、在位二十六年矣、其後汗卒、子幼、其妃代臨朝、爲叩肯汗、華言女王也、雍正五年、其使臣薩瓦復、與我喀爾喀親王策凌議、喀爾喀北界、自楚庫河以西、沿布爾穀特山、至博穆沙領、爲兩國邊境、而定市于恰克圖、議定、陳兵鳴礮、謝天立誓、時俄羅斯方攻取西藏

西南五千里之務魯木、以其地尚佛教、請于朝、遣人至中國、學刺麻經典、并遣子弟入國、予監習滿漢語言文字、居于舊會同館、十年更代爲例、乾隆十九年、土爾扈特使復由鄂羅斯入貢、二十二年、我師定西域、叛賊阿睦爾撒納逃入鄂羅斯、朝廷命理藩院、移文索之、俄羅斯以渡河溺死聞、旣而患痘真死、乃于明年移尸恰克圖、請大臣往驗之、而厄魯特叛賊舍楞、害我副都統、復逃于鄂羅斯、我使索之、又不與、上怒、絕恰克圖貿易、而舍楞于三十六年、誘土爾扈特全部十餘萬衆、趨伊犁來降、時俄羅斯與圖理雅國兵爭、圖理雅以其先世控葛爾汗失地、故世仇不服、鄂羅斯屢徵土爾扈特兵攻之、土爾扈特兵不善戰、憚于

征役叛逃投中國，廷議諸臣恐以收納逃亡啟邊釁。高宗命理藩院移文其邊吏，告以伊犁本我地，土爾扈特本中國部落，舍楞乃我叛人，歸斯受之，無爽盟約。俄羅斯無他言，亦不問。土爾扈特所往，四十四年開市，五十四年復以納我叛人，閉嚴茶葉大黃出界之禁。五十六年，復通市時，汗位已數傳，夫死妻立，妻死子立，其聘中國未嘗遣正使。皆貿易人來附，請大皇帝安，朝廷亦因其人答之。嘉慶十年，今汗遣正使來，至邊界議禮，不合而返。今汗者叩肯汗之子，嗣母位，地遠禮別，使命不通，故會典禮部，載朝貢之國。九俄羅斯不與焉，惟理藩院設庫倫辦事大臣，掌蒙古與俄羅斯貿易之事，與東西兩將軍會商，皆行文于其國。

薩那特衙門，不直達其汗也。鄂羅斯既地廣物阜，凡諸國至鄂羅斯市者，則衛藏以西，沙草汗，愛烏罕，各部其外市，則西至安集延，伊犁，哈密，喀爾喀，東至黑龍江，秋高馬肥，被氊捆貨而至，面白微頰，高準采鬢，髯紅，氊帽油鞞，帳居者，布列恰克圖及黑龍江西岸，恰克圖，迤東為車臣汗部，十四卡倫，地稍平行，迤西則高山密林中，通峽溝，即色楞格河東岸，綿亘至庫倫八百餘里，天然險隘，前此準噶爾強時，曾以兵入鄂羅斯境，不見一人，遂由額爾口城深入六百餘里，仍無敵踪，準噶爾疑其設伏，誘已，遂遁還，然自準噶爾為中國所滅，鄂羅斯亦震我兵威，故從無入寇擾邊之事。松筠於乾隆五十六年言鄂羅斯女汗之子已長，成年三十餘，將來嗣母位云。

臣源曰鄂羅斯古不通中國漢書丁令在北海上唐書骨
 利幹國居瀚海北地北距海共即今鄂羅斯境域哉魏書
 烏洛侯國從難水北行二十餘日有于巴尼大水即北海
 或疑烏洛侯即俄羅斯見皇清通考四裔類然魏史列高麗百濟勿
 吉契丹諸東夷間又稱為拓跋先世舊墟且難水今黑龍
 江則所稱有于巴尼大水者蓋塞外得水謂海之例非俄
 羅斯北之大海明矣盛京通志云今黑龍東北有大泊即
于巴尼大水又一統志斡難河即黑
龍江之源故黑龍江亦名難水惟元史稱阿羅思地南去大都萬餘里太
 宗時諸王莽賚叩擊奇上察克進兵攻阿羅思降之是為
 鄂羅斯通中國之始蒙古源流稱元太祖祖封其長子
察罕岱于俄羅斯地方即汗位然元
 史稱阿羅思地僅長千有四百里廣半之則初境狹小尚

不及今俄羅斯十分之一蓋其立國始在左哈薩克西鄙
 部人蔓衍至西海元初自怛羅斯城以北至計由居焉皆
 在未稱汗以前其稱汗在元明之際故至康熙五十二年
 為其國三百五十餘年也方乾隆中土爾扈特之棄俄羅
 斯而來也以鄂羅斯與圖理雅國構兵之故圖理雅一作
音之 控噶爾乃其汗名非國名一作洪諾爾方是時土爾
扈特方憾其上國征役之迫播遷之勞故其詞皆貶小察
 罕侈張控噶謂控葛爾在鄂羅斯之北征討俄羅斯察罕
 汗幾為其所覆城環萬里富雄八漠而中國縉紳亦輒信
 之筆諸載籍荒矣哉夫圖理琛之奉使也稱所經地距北
 海僅一月程其海濱夏至前後不夜而康熙六十年鄂羅

斯人至稱其地去北極二十度以上為水海人不能至聖祖謂始信古記北方層冰冬夏不化之言為不誣蓋夏至不夜則冬至不晝故市船但有東西南洋從無至北海之人是其國已極北迫近冰海安得復有大國在其北乎俄羅斯與荷蘭英吉利大西洋諸國接壤環峙構兵通市而利瑪竇南懷仁諸地圖開方計里眉燦星臚內地更位置此數萬里之控葛爾商船從未通人迹從未至乎今西洋互市數十國有普里社者偏俄羅斯西界蓋即異域錄所稱圖里控雅葛爾汗與鄂羅斯構兵之國特譯音小殊粵稱普里社為單鸞歐色特里阿為雙鸞皆以市船桅旗所畫區別之猶稱彌利堅為花旗璉國為黃旗瑞國為藍旗也歐羅巴例精火器又我使臣止接其疆吏從不與汗相

見而趙氏翼謂其國無火鎗其汗通我侍衛俞氏燮已辨之然俞氏不知羅刹僅俄羅斯東方之部落而謂羅刹即鄂羅斯沿西域見聞錄之誤又謂利瑪竇南懷仁坤輿全圖不知有鄂羅斯今考利瑪竇圖以俄羅為縛羅曰縛羅答曰縛羅得抹曰縛羅德沒三地相連甚大又有葛勒斯國皆在北海之南地中海之北歐羅巴東境接亞細亞之地正當鄂羅斯國都地接音近南懷仁圖說則曰歐羅巴州東北有莫哥斯未亞大國東西萬五千里南北八千里中分十六道兵力甚強日事吞并其地極寒冬至晝僅二時皆即俄羅斯之明證不可謂佛蘭西非佛郎機英吉利非英圭黎榜葛刺非滿塔臘彌利堅非墨利加也乾隆末庫倫辦事大臣松筠撰綏服紀畧亦

關控噶爾大於鄂羅斯之夸誕惜語焉不詳今猶臚其事涉中國者餘詳海國圖志

舊唐書曰烏羅渾國即後魏之烏洛侯也亦謂之烏羅護在長安東北六千三百里東與靺鞨南與契丹北與烏桓接云云是烏洛侯即今索倫錫伯之地非鄂羅斯蓋可證官書四裔考之誤

乾隆征緬甸記

滇邊西南為大理麗江永昌騰越正南為順寧普洱元江諸府州地斜袤四千里皆與緬甸界而永昌之虎踞天馬二關其門戶大金沙江自西藏貫其國入海或言即禹貢黑水入南海之路也漢朱波唐驃國明初一宜慰司耳萬曆中莽體瑞者吞諸部并臣木邦蠻莫隴州于厓孟密諸土司獨孟養再破緬而卒亦并于緬遂為貝葉書與中國

自稱西南金樓白象主與敵者惟南掌暹羅景邁古東諸國及莽應裏為劉綎鄧子龍所破擣阿瓦降酋帥其後巡撫陳用賓又約暹羅夾攻屢破之由是不敢內犯惟雄長諸部如故與暹羅及古刺景邁世仇明永曆入緬時其遺臣散入各國有馬九功者為古刺招明潰兵三千有江國泰者暹酋妻以女各遣使約李定國于孟艮將犄角夾攻緬而大清兵取永明玉于阿瓦于是李定國發憤死二國之師失望而返緬自負有獻俘功益蔑視諸土司竟國于西南不臣不貢雍正九年景邁使至普洱求貢乞視南掌暹羅雲貴總督鄂爾泰疑而卻之景邁者世所傳八百媳婦國也居景邁城者為大八百居景線城者為小八百在

緬甸國東戶十萬明世與緬同為宜慰司中波于緬旋恢
 復故世仇也畏緬之偏求通中國以自重細忭其得內屬
 也密遣人至車里土司探虛實遂遇南掌使貢使歸詢知
 景邁貢被卻則大喜陽言緬來歲亦即入貢旋興兵二萬
 攻景邁而貢竟不至其國都曰阿瓦兼有十三路南路近
 海為洞哥古刺北路為孟密孟養孟拱其果路為水邦孟
 良絕長補知約三千里其孟密之蠻莫新街老官屯為金
 沙江達阿瓦之道直永昌虎踞關外明桂王舟行入緬之
 路也其東水邦孟良在耿馬土司滾龍江南直普洱邊外
 地稍平李定國吳三桂趨阿瓦之路也緬稱君長曰莽故
 水邦孟良亦名莽國云乾隆十九年緬酋莽達刺為錫箔

諸夷所滅有木疏土司雍籍牙者雍一作窳以雍讀去聲而謫也才緬酋來文稱

相持一千七百餘年蓋其先世雍由者于漢知帝永九
 年受印綬至乾隆庚戌九千六百九十三年也唐有雍籍
 牙皆一姓相傳之證起兵克復阿瓦盡臣諸部惟桂家與
 木邦二土司抗不服遂與緬治兵相攻二土司敗先後走

孟抗桂家者故明桂王官族之裔也世據波龍銀厰富甲
 諸部其酋官裏雁一作古利宴既敗竄近邊其孥與賄為孟連

土司刀派春所奪桂酋妻囊占襲殺刀派春而自歸于中
 國宮裏雁尚在孟坑不知也我永昌知府楊重毅又誘致
 而戮之以為功于是緬酋益無忌浸尋而及我耿馬土司
 且以兵來邊外索木邦逸酋矣囊占走依孟良嗾令內侵
 及普洱南江外諸土司地邊民一日數驚我兵敗之走求

助于木邦囊占復為鄉道內犯我總兵劉得成等三路皆
敗總督劉藻自剄死時乾隆三十年普洱邊外之警也明
年大學士楊應琚來督滇會普洱賊漸浪得以其間收取
孟艮諸地分隸土目部署略定而永昌邊外之孟連土司
復以緬警告初我諸土司之近緬者皆于緬私有年例自
木疏據國後諸土司以其故等夷不復肯屬而緬方與桂
家木邦諸夷自相攻亦未暇遠問也及桂家木邦敗竄我
邊吏不扶植之反為助翦所忌遂漸及我內屬諸土司孟
連之先故緬支屬不屑臣新緬而囊占兼怨孟連與緬欲
構使相鬪而受劊于中國至是緬以兵徵其歲幣揚言將
渡袞龍江亦與中國無與也而撫臣常鈞奏請普洱事畢

當卽辨永昌邊外賊于是楊應琚移駐永昌屬吏喜功者
遂爭言緬甸可取狀知騰越州陳廷獻者遣人招孟密土
司不聽則誘致其所屬之孟斂土目來降使虛獻孟密又
招致木邦故土司子弟之在孟坑者使虛獻木邦遂以外
收二大土司地千里戶十數萬人告其實孟密木邦二部
自在緬地非二姓所能獻也副將趙宏榜以兵數百夔蠻
暮之新街克之而其地扼金沙江水口緬與中國互市處
據阿瓦上游又為賊必爭之地不旋踵陷于賊賊數萬尾
而入直薄隴川之虎踞關提督李時升檄諸將禦之關外
屢戰殺傷相當輒以大捷奏賊復分兵繞入萬仞關掠永
昌騰越各邊越隴川江而出會賊遣人請和約互市罷兵

諸將許諾賊渡猛卯江去兵可以罷矣而我所奏新收諸
土司地無以報命于是李時升復檄諸將哈國興等進復
新街蠻莫阻于賊不能進楊應琚亦檄總兵朱崙等進據
木邦木邦城空無人自宛頂運糧以給瘴厲方興而賊大
集軍潰歸時三十二年四月也于是楊應琚奏得不償失
請棄新附諸土司地上逮應琚李時升等治罪時緬酋雍
藉牙死其子孟駁實無內犯心諸邊臣張皇啟釁先後獲
咎兵可以罷矣而其情不盡上聞上命明瑞以將軍兼總
督發滿洲兵三千及雲貴四川兵二萬餘太舉征緬明瑞
由木邦孟艮攻東路參贊額爾登額由孟密老官屯攻北
路約會于阿瓦以九月二十四日啟行連旬兩潦又負糧

以牛不能速至芒市易溼糧以行十一月二日始出宛頂
越八日整隊至木邦守賊望風先遁留參贊珠魯訥按察
使楊重英以兵五千守之通餉道明瑞自率兵萬二千爲
浮橋渡錫箔江賊軍二萬嚴壘蠻結以待領隊大臣觀音
保摩衆先據山左哈國興等三路登山俯薄之一呼直偪
其壘黔兵十餘踊而入衆乘之賊披靡遂拔其柵復連破
三壘而十二壘之賊皆宵遁賊復拒守天生橋我師遠道
夾擊殲二千餘大獲糧械軍聲大振進至象孔迷失道而
軍糧已罄明瑞念北路軍約由孟密入其地近孟籠有緬
屯糧乃議向孟籠果大得糧濟軍時已深入二十餘里會
歲除而孟密北路之師無消息復議取道大山土司向木

鄂以歸盡焚孟籠餘糧緬自去冬象孔改道後獲我病卒
知我軍糧盡不向阿瓦即悉衆來追我軍且戰且行每日
先以一軍拒敵即以一軍退至數里外成列待軍至則成
列者復迎戰明瑞及觀音保哈國興更番殿後步步爲營
每日行不三十里自象孔至小猛育二千餘里之地凡六
十日而後至其中又有蠻化之捷時我軍山巔賊卽營于
山半明瑞以賊輕我甚不可不痛創也時賊識我軍號每
晨我軍吹波倫者三而起行賊亦起而追我次日五鼓復
吹波倫三則我軍盡出營伏箐以待賊聞波倫聲爭上山
來追萬槍突出四面霆偏賊無走路潰墜者趾頂相藉坑
谷皆滿殺賊四千餘自是每夜遙屯二十餘里外不敢近

明瑞休軍蠻化數日取所得牛馬犒士而賊之先一日過
者已壘于要路得波龍人引以間道由桂家銀廠舊址而
出會賊之分路襲本邦者已潰我本邦之師戕珠魯訥洗
楊重英于是本邦之賊亦至額爾登額之進孟密也中途
阻于老官屯之賊頓兵月餘上以明瑞久絕軍報趣額爾
登額移師援之于是老官屯之賊亦至明瑞行抵小猛育
賊已蝟集數萬我軍尚分七營距宛頂糧臺二百里而額
爾登額之後不至明瑞乃令軍士乘夜出度皆得以自達
而自與諸領隊大臣及巴圖魯侍衛數十人率親兵數百
斷後及晨血戰萬賊中無不一當百俄領隊大臣札拉豐
阿中鎗死巴圖魯侍衛皆散明瑞觀音保死之二月十日

世事聞上以額爾登額擁重兵既不能進取孟密以赴將軍之約及退軍旱塔聞本邦告急可由旱塔間道往援總督鄂寧駐永昌七檄不應領隊侍衛海蘭察自請往援亦不許翻迂道回銅壁關內致本邦參贊之帥潰于賊而于內地積餉之宛項數程可達者又繞道行至半月致旱塔之賊皆萃大營而將軍復陷于賊情罪重大置極典并斬提督譚五格是爲征緬之前一役

明瑞之死也緬人不知餘威猶震緬懼再討使羅夷達具葉書請罷兵副將軍果毅公阿里袞以聞上以明瑞軍入關者尙逾萬所喪亡不過十之一二然將帥親臣皆捐軀而緬夷求款未親遣頭目非大舉無以雪忠憤先命阿里

袞鵬勦以懼之三十四年春大學士忠勇公傅恒請督師命爲經畧阿桂阿里袞爲副將軍發索倫吉林兵四千健銳火器營四千荆州成都駐防滿兵五千厄魯特鄂倫春各三百赴軍傅恒以四月朔至永昌騰越議進兵之路以阿瓦城在大金沙江之西若由東路錫箔江進則阿瓦仍隔江外乃議大軍從金沙江上游之曼鳩江亦曰蘭鳩江亦曰檳榔江經孟拱孟養兩土司地陸行直搗阿瓦而偏師即由東岸夾江而下進取孟密而造舟于蠻暮以通兩軍聲勢時距霜降尙早經畧急于出師謂師老則氣懈不如及其銳用之遂以七月二十日大軍啟行渡曼鳩江而西孟拱孟養各獻馴象四牛百頭糧數百石緬方秋成刈獲未暇集兵

又孟拱孟養非其腹地故歷二千里皆不血刃而主馬觸暑兩已多僵病又道路不習難深入惟阿桂東路軍萬餘新從虎踞關出精銳可用會九月下旬蠻暮野牛壩所造戰艦成閩粵水師亦集乃議兩軍并歸一路經略耀兵諸土司地而還亦以十月朔渡江抵蠻莫由蠻暮江出金沙江賊巴列舟扼江口水陸來犯一軍管江灘二軍分據兩岸哈國興將水兵阿桂阿里袞各將陸兵分趨兩岸東岸陸賊先至阿桂令步兵矢銃兩發而勁騎左右衝入賊大潰哈國興及海蘭察率舟師乘上游上風蹴之賊舟自相撞擊殺溺數千江水爲赤阿里袞亦敗西岸之賊三路皆捷而經畧及阿里袞已病諸將議不向阿瓦惟老官屯有

賊壘營前歲額爾登額頓兵處欲取之以藏事老官屯臨大金沙江賊分扼江之東西而我師偏其東寨寨據大坡周二里迤邐插于江柵皆鉅木入土甚深外周以三濠濠外又橫臥大樹銳其枝末外向此緬夷拒敵之長技也我軍先築十臺以大礮擊之柵木堅偶折輒補哈國興乃伐箐中數百丈老藤雜以鐵鈎令敢死士夜往鈎其柵三千人曳藤以裂之爲賊斧斷經略又命火攻先爲捍牌禦鎗礮一牌可護十數人昇以兩人衆挾膏薪隨之百牌齊進踰濠抵柵忽火回風反遂卻最後穴地及其柵底實火藥轟之柵突高起丈餘賊號駭震天我軍皆挺刃以待俄柵忽落平又起又落者三不復動蓋柵坡迤下而地道平進

故土厚不能迸裂也然賊自是震懼柵有水門通江阿桂
 又撥戰艦五十越柵截其餉運賊益懼其渠帥遣人立柵
 上遞緬文請和願結幕兩軍適中地親來受要約阿桂集
 諸將議進止皆主和乃遣使往責以進表納貢歸逃人反
 土司侵地緬則欲我歸其不邦孟養孟拱三土司議未決
 賊帥左顧而去哈國興軍騎入其柵賊帥不見別遣人出
 謝請如約時阿里衮已卒於軍經畧又病足退居銅壁關
 上以大軍再舉再破賊已足張國威不忍將士久冒瘴癘
 諭經畧班師適緬西遣使十四人賚貝葉書請經畧饋獻
 方物自陳請人貢遂允老官屯之議班師遷孟拱土司于
 關內棄關外地留副將軍阿桂于雲南而緬旋背約不入

貢亦不還所羈官兵論者謂新街江口順流六日可至阿
 瓦使舍曼鳩江之行程與攻老官屯之日力以擣阿瓦有
 餘劉綎白文選再攻阿瓦皆輒破非堅城也即為城下之
 盟而還亦必能制其死命稱臣請貢無反側若老官屯偏
 在東岸止需留偏師羈縻之非能阻我進此與唐太宗
 頻兵安而城不直趨平壤者何異是役以出師過早失天
 時以頓兵堅壘失地利以多調客兵少募土勇失選士亦
 小夷氣數未燿天姑少延之歟水道提綱曰雲南通緬甸
 諸夷水路惟知有金沙江
可通大舟不知路江車里一派可通擺古瀾滄鎗龍一派
 可通八百交趾皆可舟可航之水經理南夷者不可不講
 也三十五年老官屯日移書索木邦蠻莫孟拱三土司副
 將軍檄責之緬復留我都司蘇爾相上以緬負險知我師

他山之石卷二
限于天時地利故敢倔強救阿桂於秋冬酌遣偏師擾之使奔命不暇而緬方南向用兵暹羅阿桂請乘此大舉征緬奉嚴譴罷免以溫福代之明年金川反溫福阿桂皆赴四川于是暹羅滅于緬三十八年緬目得魯蕙至老官屯請如前約遣孟逸等人關議中國方急金川不暇問緬酋孟駁旋死子贅角牙立四十一年兩金川平緬懼請入貢願出楊重英蘇爾相求開關互市明年出蘇爾相而楊重英不至大學士阿桂李侍堯赴滇勘邊界益兵備四十七年其酋孟魯殺贅角牙而自立國人又殺孟魯而立孟雲孟雲者雍籍牙季子少爲僧前此兵燹皆未預聞也而值暹羅之難乃思附中國暹羅者居西南海與緬世仇緬酋

孟駁于乾隆三十六年滅之而緬自連年抗中國後耗費不貲又其土產木綿象牙蘇木翡翠碧砒玳及海口洋貨波龍厥銅侍雲南官商采買者皆閉關罷市緬加戍東北而力戰東南其用日絀既并暹羅徵取無藝乾隆四十二年暹羅遺民憤緬無道推其遺臣殿昭爲王起兵盡復舊封又興師侵緬地于四十六年航海來貢告捷朝廷不使亦不止也至是昭子華嗣立亦材武緬酋孟雲不能支乃東徙居乃蠻得五十一年詔封華暹羅國王于是緬益懼五十三年由木邦齎金葉表馴象金塔款關永貢并歸楊重英等表言已嗣國後深知孟駁父子前罪久欲進貢以暹羅侵擾是以稽遲乃諭暹羅罷兵五十五年遣使賀入

旬萬壽乞賜封並乞開關示許之遣使封爲緬甸國王定
十年一貢嘉慶十年秋暹羅貢表又言方出師攻緬獲捷
後頒敕諭解之是冬緬甸叩關求人貢疆吏以非貢期卻
之而西南邊自是無緬患奉貢不絕

臣源曰蠻夷之性畏威甚于懷德畏沿邊土勇甚于官兵
畏隣邦之強又甚于畏中國其巢穴僻處海濱中國孟冬
出師仲春避瘴當返勢難以五月之久黎數千里之庭故
夜郎倔强悉索敵賦以奮螳臂之拒一聞兩金川之滅而
震憂求貢再聞暹羅封而稽首請臣三聞暹羅見親于中
國且非貢期而貢媚蓋前明萬曆中滇撫陳用賓嘗約暹
羅夾攻緬其國幾覆李定國又嘗暹羅古刺將夾攻緬是

其傷弓覆車之戒震隣切膚之災于以知暹羅之大可用
也次則騰越野人亦平緬勁旅彼其水土氣力皆同非若
中國之限于險遠又暹羅景邁皆緬世仇誠能水陸並舉
新街則以野人土兵爲前驅海道則以暹羅景邁爲犄角
使首尾不顧必可一舉殄滅鄂爾泰不知用景邁去緬所
忌始偃蹇於南徼劉藻不知用桂家及茂隆廠而緬遂駭
淫于內地及阿桂久習滇事思用暹羅而又值朝廷厭兵
之時孫士毅復不知用暹羅而失安南於垂得用兵者其
可不中賊所忌馭夷者其可不衆建而分其勢哉且萬曆
中滇人又嘗用孟養制緬矣孟養斷緬餉道緬酋一軍飢
困垂弊止待滇兵二千塞隴川之路而巡撫三凝檄止之

使賊得外援間道逸去致孟養反并于緬緬遂尾大不掉夫字小者大國之仁伐交者上兵之智臣是以反復于前代以蠻攻蠻之成效而知蚌鷸相持漁者坐利固不在勤天下之力以求之也

入緬路程

見師範滇繫

由騰越州城南六十里為曩宋為南甸土司故為府由南甸左行六十里為龍抱樹又五十里為杉木籠山之險者也又三十里為蠻隴又六十里為隴川土司又四十里為邦中山又一百里為猛卯土司凡四百五十里自南甸右行二十里至沙冲二十里至猛宋五十里至黃陵崗五十里至干崖土司八十里至蓋達土司三

十里至太平街又自翁輪三十里至銅壁關凡三百五十里此自騰越州南分左右之里數也自隴川八十里至腊撒土司戶撒在其北三十里自腊撒至鐵壁關八十里由鐵壁而左二十里至蠻等七十里至虎踞關又五十里至南喜三十里至等拐又十里至天馬關此境內南行之里數也至於臨夷之路則有五自騰北道四程至茶山界自騰西道入程至里麻界十程抵孟養境一自州南一程至南甸二程至干崖四程至蓋達蠻哈山十程由蠻暮至猛密二十七程至緬甸三千里有奇至南海一自騰南一程至南甸四程至隴川自隴川西南又十程至猛密轉達緬自隴川東道又十程至木

邦轉達景線國一自騰東南道二程至蒲窩二程至芒
市轉達鎮康舊謂古臨夷之路皆撫勦所必由惟茶山
而西號野人境峭壁不可梯繩弱水難於舟筏而茶山
里麻前明設有兩長官司明季時爲野人所驅奔入內
地今尙有早土司後裔已爲齊民其地閉塞不通久矣
至阿瓦之道出銅壁鐵壁虎踞三關皆可乘船赴緬惟
猛卯出天馬關陸路多於水道前用兵時密探其路自
天馬關五十里而小濫又五十里而蔓布三十里而猛
卡四十里而蠻空四十五里而猛老四十里而猛勒四
十五里而蠻黑六十里而猛密土司三十里而府亞七
十里而章谷洞三十里而尼孤凡五百九十五里然後

下路兩日即抵阿瓦歷彥得上漿謬直埂至阿瓦約三
百里計天馬關至阿瓦水陸兼行不過九百里耳而明
將軍征緬由木邦出天生橋取宋寨其地散漫小徑叢
出深人無繼必至潰散傳經略由萬仞關四十里歷猛
弄蠻理止丹來曼南蓋河又三十里出曼鳩渡江十里
蠻乃三十里蠻根又三十里麻里而至猛拱百五十里
南烏賴三十五里沙河三十里深溝又六十里而至孟
養其地至阿瓦甚遠且路徑不熟炎天瘴盛因回師而
經老官屯其路則出鐵壁關五十里而至猛卡又五十
里而至楞木又十里而至洗怕河歷猛允猛映而至新
街趙宏楞所敗績處也南行即爲老官屯臨大金沙江

賊分扼江之東西我軍備其東寨而駐故有造船之議
謂元人征緬以此取勝也要在熟悉地勢多集兵力出
其不意耳緬人善於操舟舟之頭尾多置西洋人礮施
轉如飛趙宏榜新街之敗爲其礮所擊潰又提督常青
言三十四年駐兵江岸時月夜見江中出數象象背載
數十人逆流起伏甚捷水中用象載戰兵古所未聞并
志之以諗知兵者

乾隆征撫安南記

黎氏自明以來世王安南順治十六年王師定雲南國王
黎維禔遣使至軍康熙五年繳所受明桂王敕印詔封維
禔安南國王時莫元清尚據高平亦受都統使職屢構兵

六年黎維禔襲奪高平莫元清率三千口走雲南七年朝
廷諭黎氏以高平泗州還元清十三年吳三桂叛維禔復
乘間攻取高平於是安南盡歸黎氏自後請六年兩貢並
進六傳至維禔而有阮氏之亂初明嘉靖中安南爲莫登
庸所篡國王黎維譔走保清華至孫維潭起兵破莫復國
實其臣鄭檇阮之力世爲左右輔政後右輔政鄭氏乘
阮死幼孤兼攝左輔政專國事而出阮氏于順化號廣南
王由是阮鄭世仇構兵及黎維禔權益下移僅守府棟遂
殺世子據金印有篡志而忌廣南之強乃誘其土酋阮岳
阮惠共滅廣南王于富春阮惠自爲泰德王鄭棟自爲鄭
靖王兩並抗黎王無如何也安南所都曰東京即交州唐

都護治所而以廣南順化二道爲西京即古日南九真地
中隔海口世爲廣南阮氏割據兵強於安南乾隆五十有
一年鄭棟死之鄭宗鄭幹內閱幹遣其臣貢整請廣南兵
以滅宗于是阮氏復專國黎維禱犒以兩郡且妻以女明
年維禱卒嗣孫維祁立阮惠盡收象載珍寶歸廣南使貢
整留鎮都城貢整思扶黎拒阮乃以王命率兵奪回象五
十而阮岳亦於廣南要奪其輜重阮惠歸治城池于富春
壘而使其將阮任以兵數萬攻貢整于國都整戰死維祁
出亡阮任遂據東京四守險要亦有自王志五十三年夏
阮惠復以兵誅阮任于黎京而請維祁復位維祁知其難
測不敢出惠知民心不附盡毀王宮挾子女玉帛舟回富

春留兵三千守黎京有高平府督阮輝宿者扈嗣孫母妻
宗族二百口由高平登舟遠遁至博滄溪河廣西太平府
龍州邊也冒死涉水登北岸其不及渡河者盡爲南岸追
兵所害兩廣總督孫士毅廣西巡撫孫永清先後以聞且
言推固予奪惟上所命上以黎氏守藩奉貢百餘年不屑
乘危利其土地宜出師問罪以興滅繼絕先置其家於南
寧府遣其陪臣黎侗阮廷枚等回國密報嗣孫安南地東
距海西接老撾南與占城隔海北連廣西雲南東西千有
七百餘里南北二千有八百里有五十二府其十二府爲
土司所居實止四十府共分十三道此時未陷者清華道
四府十五縣宣光道三州一縣興化道十州二縣又上路

未陷下路已陷者安道四府十二縣山西道五府二十四縣京北道四府二十縣太原道三州八縣其上路已陷下路未陷者山南道九府三十六縣海陽道四府十九縣惟廣南順化二道本阮酋巢穴又據高平一府四州諒山一府七縣二道以捍遏內地上命孫士毅移檄安南各路示以順逆早反正時維祁弟維祉皆出避難維祉死宜光城維祉由京北波蓬厥來投孫士毅以維祉有才氣欲令權攝國事上慮其兄弟日後嫌疑不許乃令士田州岑宜棟護維祉出口號召義兵會阮廷枚等以嗣孫復書至乞轉奏于是安南國土司及未陷各州官民爭縛偽黨獻地圖又關外各廠義勇數萬皆乞餉團練請為嚮導時阮惠兄弟亦

敬關請貢以其國臣民表至言黎維祁不知存亡請立故王維禱之子翁皇司維禮主國事并迎其母如回國上知阮惠欺維禱愚懦易與役計緩師令孫士毅嚴斥之安南進兵路三一出廣西鎮南關為正道一出廣東欽州泛海過烏雷山至安南海東府為唐以前舟師之道一由雲南蒙自縣蓮花灘陸行至安南之洮江乃明沐晟出師之道孫士毅及提督許世亨率兩廣兵一萬出關以八千直擣王京以二千駐諒山為聲援其雲南提督烏大經以兵八千取道開化聽之馬白關踰呪河入交趾界千有百里而至宣化鎮較沐晟舊路稍近雲貴總督富綱請行上以一軍不可二帥令駐邊外都龍節運十月末粵師出鎮南關

詔以安南亂後勞瘁不堪供億其運餉內地滇越兩路設
臺站七十餘所王師所過秋毫無擾孫士毅許世亨由諒
山分路進諒山即宋廣州總兵尚維昇副將慶成率廣
西兵總兵張朝龍李化龍率廣東兵時各土兵義勇隨行
聲言大兵數十萬各守隘賊望風奔遁惟扼三江之險以
拒十一月十三日尚維昇慶成以兵千餘五鼓抵壽昌江
賊退保南岸我兵乘之浮橋斷皆超筏直上賊霧中自格
殺我兵遂盡渡大蹂大膊張朝龍亦破賊桂石十五日進
軍市珠江江濶且南岸依山高於北岸賊據險列礮我師
不能結筏諸將以江勢繚曲賊望不及遠乃陽運竹木造
浮橋示必渡而潛兵二千於上游二十里溜緩處小舟宵

渡十七日我師乘筏薄岸相持正急適上游兵已繞出其
背乘高大呼下擊聲震山谷賊不知王師何自降瓦解潰
北十九日薄富良江江即在國門外賊盡伐沿江竹木斂
舟泊對岸然遙望其陣不整知衆無固志乃覓遠岸小舟
載兵百餘夜至江心奪其船艦一遂載兵二百餘許世亨
親帥之渡江復奪小舟三十餘更番渡兵二千分擣賊營
賊昏夜不辨多寡大潰焚其十餘艘獲總兵侯伯數十黎
明我師畢濟黎氏宗族百姓出迎伏道左孫士毅許世亨
入城宣慰而出城環土壘高不數尺上植叢竹內有磚城
二則國王所居官室蕩盡而黎維祁匿民村是夜二鼓如
出諸營見孫士毅九頓首謝捷聞初王師之出也上慮尋

成後冊封往返稽時致王帥久暴露于外先命禮部鑄印
內閣撰冊郵寄軍前孫士毅遂以二十二日宣詔冊封黎
維那安南國王並馳報孫永清歸其家屬維那表謝請于
乾隆五十五年詣京祝八旬萬壽詔俟安南全定維那能
自立許來朝是役也乘思黎之舊民與各廠之義勇先驅
鄉導又許世亨二張等皆新自臺灣立功之戰將故得以
萬餘兵長驅深入不匝月而克復國都其雲南烏大經之
兵尙未至也詔封士毅一等謀勇公許世亨一等子諸將
士賞賚有差時阮惠已遁還巢穴孫士毅謀造船追討孫
永清奏言廣南距黎都又二千里用兵萬人設糧站即需
運夫十萬與鎮南關至黎城等上以安南殘破空虛且黎

氏屢世孱弱興廢未嘗非運數既道遠餉艱無曠日老師
代其搜捕理詔卽班師入關而孫士毅貪倖阮爲功師不
卽班又輕敵不設備散遣士兵義勇懸車黎城月餘阮氏
謀知虛實於歲暮傾巢再舉襲國都而我帥方信其來降
之誑詞晏然不知也明年正月朔軍中置酒張樂夜忽報
阮兵大至始倉皇禦敵賊皆象載大礮衝陣我師衆寡不
敵黑夜自相蹂躪黎維那挈家先遁滇帥聞礮聲震天亦
退走孫士毅奪渡富良江卽斬浮橋以斷後由是在南岸
之軍提督許世亨總兵張朝龍以下官兵夫役萬餘皆擠
溺死焉士毅走回鎮南關焚盡棄關外糧械火藥數十萬
士馬還者不及一半具雲南之師以黎臣黃文通嚮導得

全返黎維祁母子復來投奏聞上以士毅不早班帥且阮
惠已敗後來必非旦夕所能糾合何漫無籌備致挫國威
頃將士命褫職來京待罪以福康安代之阮惠既踞安南
自知賈禍大懼王帥再討又方與暹羅構兵恐暹羅來其
後欲關謝罪乞降改名阮光平明史安南國王皆有二名
以其一名事中國列表參
遣其兄子光顯資表入貢言守廣南已九世與安國敵國
非若臣且蠻觸自爭非敢抗中國請來年親覲京帥并願
立廟國中祀死綏將士又聞暹羅貢使入京恐媒孽其短
乞天朝勿聽其言福康安先後以聞上以維祁再棄其國
并冊印不能守是天厭黎氏不能存立而阮光平既請親
覲非前代莫黎僅貢代身金人之比且安南自五季以來

曲矯吳丁李陳黎莫互相吞噬前代曾郡縣其地反側無
常不足履南顧之憂乃允其請其黎維祁賞三品銜編旗
安置京師五十五年阮光平來朝祝釐宴熱河山莊班親
王下郡上上賜冠帶受封歸次年擊敗黎維祉及萬象國
支帥來獻捷五十七年三月卒子阮光纘嗣立年十有五
上以阮邦新造人心未定且阮岳尚在廣南吳文楚久握
兵柄主少國疑防有變動特調福康安雲貴總督備邊又
遣按察使成林諭祭並密偵其國成林旋以國事猶定聞
乃止初阮氏世王廣南以順化港為門戶與占城暹羅皆
接壤西南瀕海有商船飄入港者非西風不得出輒沒入
其貨即中國商船偶入亦倍稅其半故紅毛暹羅占城諸

國商船皆以近廣南界為戒阮光平父子以兵篡國國用
虛耗商船不至乃遣烏艚船百餘總兵十二以採辦軍餉
為名多招中國沿海亡命略以官爵資以船械使嚮導入
寇閩粵江浙嘉慶初各省奏禽海盜屢有安南兵將及總
兵封爵救印詔移咨安南尚不謂國王預知也暹羅既與
廣南積怨會黎氏甥農耐王阮福映者本名種此奔暹羅其改名
暹羅妻以女弟助之兵克復農耐勢日強號舊阮與新阮
戰奪其由春舊都嘉慶九年兩廣總督倭什布奏言安南
為安南富春門戶富春其國并縛海賊莫扶觀等皆中國
都也案此乃西都非東都奸民受安南東海王及總兵偽職又上其攻克富春時所
獲阮光纘封冊金印是為嘉慶四年詔以阮氏父子臣事

大朝乃招納叛亡藪奸誨盜負恩莫大今國都冊印不保
滅亡已在旦夕足徵傾覆之不爽其命兩廣總督吉慶赴
鎮南關勒兵備邊俟阮福映攻復安南全境以聞七年十
二月阮福映滅安南遣使入貢備陳構兵始末為先世黎
氏復讐其舊封農耐本古越裳之地案明史占城老撾者古越裳地則農耐當與接壤在今兼并安南不忘世守乞以越南名國詔封越南國王初乾隆五十四年黎維祁之安置京師也其舊臣黎侗等四人堅不進髮易衣冠且言國王弟維祉與其宗黨舊臣屯聚自保義師甚眾欲出關圖恢復上以阮光平既歸順錫封無更張理而黎侗等流離播遷不以盛衰為去就尚忠于所事特赦阮光平送出黎維祉妻妾弟妹母

俾失所事未行及嘉慶七年阮光纘滅于是詔黎臣懷故
土者隨黎祗遺櫬歸國蓋新阮篡黎十餘年而復滅于舊
阮今修職貢者非復前日阮氏云

臣源曰安南形勢西都強于東都故黎莫二阮迭興皆先
據清華順化者勝當大兵之分道人安南也其正兵由廣
西出關直走東都其奇兵當由廣東欽州海道入順化海
口以覆其巢穴或由雲南孟氏土司地趨安南之水尾州
造舟直襲廣南順化并傳檄暹羅許其報怨來攻分地則
阮氏棄東都後走無所歸必可成禽而絕後患若近北而
為沐晟蓮花灘之路再北而為烏大經馬白都龍之路距
賊舊巢益遠故兵至國都不能復進

考明征安南三次其後二次沐晟亦由水

尾州蓋其時將帥諸臣止議夾攻國都之賊而未計及傾

巢掃穴云然天厭黎氏假阮氏為驅除聖朝初無利其尺
上一民之心繼復申班師速歸之諭以彼鄰敵外侵舊黎
內訌使諸臣能悉稟廟謨從事固再舉而版圖可擴乃天
朝雖縱舍之而彼亦旋為暹羅所覆地為越南所并栽培
傾覆先天不違視明代再征安南興師數十萬而侷得侷
失者其事倍功半又何如也

明一統志曰入交道三一由廣西一由廣東一由雲南
由廣東則用水軍伏波以來皆行之廣東道宋行之雲
南道明始開廣西亦分為三從憑祥川人者由州南關
隘一日至交之文淵州坡壘驛復經脫朗州北一日至

諒山府又一日至温州之北險徑半日至鬼關又一日
經温州之南新麗村一日至保祿縣半日至昌江又一
日至安越縣南市橋江下流北岸一道由思明府入過
摩大嶺一日至思陵州過辨強隘一日至祿平州州西
有路一日半至諒山府若從東行過千里江此江永樂
中黎季犛堰之以拒王師後偵知其堰處乃決之以濟
師一日半至安博州又一日半過耗軍洞山路險惡又
一日至風眼縣又分二道一道一日至保祿縣亦渡昌
江一道入諒山府亦一日至安越縣之南市橋江北岸
各與前道會其自龍州入者一日至平爾隘又一日至
七淵州二日至文蘭平茄社又分爲二道一道從文蘭

州一日徑石隴縣北山徑鬼門關平地四十里渡昌江
上源徑石隴之南沿江南岸而下一日至世安縣平地
至安勇縣又一日至安越縣之中市橋江北岸一道從
平茄社西一日半徑武岸州山徑二日至司農縣平地
又一日半亦進至安越縣之北市橋江上流北岸市橋
江在安越縣境中昌江之南諸路總會之處隨處皆可
濟師一日至慈山府又至東岸嘉林等縣渡富良江以
入交州雲南亦有二道其一道由蒙自經蓮花灘入交
州之右隴關下程瀾峒循洮江源右岸四日至水尾州
又八日至文盤州又五日至鎮安縣又五日至夏華縣
又二日至清波縣又三日平臨洮府即富良江上流其

北爲宣化江南爲沱江所謂三江者也臨洮三日至山
圍縣又二日至興化府即古多邦城自興化一日至白
鶴神廟三岐江又四日至白鶴縣渡富良江其一道自
河陽隘循洮江左岸十日至平源又五日至福安縣又
一日至宣化州又二日至瑞雄府又五日至白鶴三岐
江然皆三徑歌側難行其循洮江右岸入者地勢平夷
乃大道也若廣東海道自廉州烏雷山發舟北風順利
一二日可抵交之海東府若沿海岸以行則烏雷山一
日至永安州白龍尾二日至玉山門又一日至萬寧州
萬寧一日至廟山廟山一日至屯卒巡司又二日至海
東府海東二日至經熟社有石隄陳氏所築以禦元兵

者又一日至白藤海口經天遼巡司南至安陽海口又
南至金山海口又南至多漁海口各有支港以入交州
自白藤而入則經水棠東潮二縣至海陽府復經至靈
縣過黃徑平灘等江其自安陽海口而入者則經安陽
縣至荆門府亦至黃徑等江由南策上洪之北境以入
其自金山而入者則取古齋又取古陽縣經安老縣之
北至平河縣經南策上洪之南境以入其自多漁海口
而入者則由安老新明二縣至四岐溯洪江至快州經
鹹子關以入多漁南爲太平海口其路由太平新興二
府亦經快州鹹子關口由富良江以入此海道之大畧
也交州之東有海陽荆門南策上洪下洪順安快州等

府去海頗遠各有支港穿達迤邐數百里大艦不能入
故交人多平底淺舟以便入港云

嘉慶東南靖海記

國家自康熙二十二年克臺灣平鄭氏二十四年大開海
禁閩粵浙吳航天萬里鯨鯢不波及嘉慶初年而有艇盜
之擾艇盜者始于安南阮光平父子竊國後師老財匱乃
招瀕海亡命資以兵船誘以官爵令劫內洋商船以濟兵
餉夏至秋歸踪跡飄忽大爲患粵地繼而內地土盜鳳尾
幫水澳幫亦附之遂深入閩浙土盜倚夷艇爲聲勢而夷
艇恃土盜爲鄉導三省洋面各數千里我北則彼南我南
則彼北我當艇則土盜肆其劫我當土盜則艇爲之援且

夷艇高大多礮卽遇亦未必能勝土盜狡又有內應每暫
遁而旋聚而是時川陝教匪方熾朝廷方注意西征未遑
遠籌島嶼以故賊氛益惡嘉慶元年福州將軍魁倫兩廣
總督吉慶先後奏言獲烏艚船海盜陳天保等有安南總
兵及寶玉侯敕印敕安南國王阮光纘查奏尙謂國王不
知也四年安南農耐舊阮王與新阮父兵禽送海賊莫扶
觀等皆內地奸民受安南僞封東海王及總兵朝廷始知
安南藪奸誨盜之罪五年六月夷艇三十餘水澳鳳尾各
六七十艘皆萃于浙偏台州將登岸巡撫阮元提督蒼保
奏以定海鎮總兵李長庚總統三鎮水師賊泊龍王堂松
門山下颶風雷雨大作賊船撞破覆溺殆盡僅餘一二艇

他山之石卷二
漂出外海其泅岸及附敗舟者皆爲水陸官兵所俘獲安南爲侯倫貴利等四總兵磔之以勅印擲還其國安南烏艚船百餘號總兵十二人分前中後三支每支四總兵倫貴利等其後支也會安南旋爲農耐王阮福映所滅新受封守朝廷約束盡逐國內奸匪由是艇賊無所巢穴其在閩者皆爲漳盜蔡牽所并率同安人奸猾善捍闔能使其衆旣得夷艇夷礮凡水澳鳳尾餘黨皆附之復大猖獗凡商船出洋者勒稅番銀四百圓回船倍之乃免劫凡結陸地會匪陰濟船械硝磺米糧而官修戰艦笨窳不能放洋轉雇商船爲勦捕之用是時廣東總督長麟仿商船之式捐修米艇數十勦賊有效于是浙江巡撫阮元率官商捐

金十餘萬付李長庚赴閩造大艦三十名曰霆船鑄大礮四百餘配之廣東巡撫孫玉庭亦奏言從古但聞海防不聞海戰粵洋三千餘里賊蹤飄忽兵分勢單終年在洋奔逐沆無成效不如專力防守海口嚴禁岸奸爲以逸待勞之計其官運鹽船及貿易商船皆配兵船巡護是海防亦非置舟師于不用詔行之是冬擢李長庚浙江提督時蔡牽以五十艇踞閩洋而水澳賊首林亞孫爲浙兵殲于東白有侯齊天者收水澳及鳳尾餘幫有船十七自爲一隊爲牽所誘殺而其黨張阿治復魁其衆號新興幫居浙洋八年正月牽竄定海進香普陀適李長庚掩至牽僅以身免晝夜究追至閩洋賊糧硝盡蓬索朽我師又據上風賊

不能遁乃偽乞降于閩總督玉德玉德遣興泉兵備道慶
徠赴三沙招撫之牽又曰果許我降勿令浙師上風催我
玉德遽檄浙師收港勿出于是牽得間繕檣械備糗糧揚
帆去浙兵追擊于三沙于温州凡奪舟沉舟燒舟者六賊
畏霆船甚厚賂閩商更造大于霆船之船先後載貨出洋
偽報被劫牽連得大海船遂能渡橫洋渡臺灣九年夏劫
臺灣米數千石分濟粵盜朱潰連鯨八十餘猝入閩閩師
不敢擊會浙江總兵胡振聲以二十四艘運造舟木于閩
閩督玉德遽檄振聲擊之而閩帥不援為賊火攻所陷死
詔逮不援臺之金門鎮總兵吳奇貴副將張世熊等治罪
以李長庚總統閩浙水師率温州海壇二鎮為左右翼專

勦蔡逆其金門黃巖定海諸鎮各守其地俟總統追賊至
境出師策應是秋八月牽潰共犯浙李長庚合諸鎮擊賊
于定海北洋二賊結百十艘為一陣長庚督兵衝貫其中
斷賊為二使鎮兵擊潰而已急擊牽逐至盡山沉其二副
船又斷其坐船蓬索會風雨驟起賊遁去牽責潰不用命
潰怒遂與牽分是冬長庚敗朱潰于甲子洋十年夏又擊
牽于青龍港是冬牽聚百餘艘復犯臺灣沈舟鹿耳門以
塞官兵又結土匪萬餘攻府城自號鎮海王十一年二月
詔責玉德歷年廢弛致賊氛日熾且福建水陸官兵七萬
有餘調渡臺者不過三四千豈能滅此二萬有餘之賊特
命成都將軍德楞泰佩欽差大臣關防調四川兵三千赴

勦將軍賽冲阿副之會蔡牽爲李長庚敗走乃罷德榜泰之行惟賽冲阿赴臺灣初賊塞鹿耳門時惟二汕二港尙通小舟長庚扼南北二汕外別以小澎船五十令總兵許松年王得祿由大港繞安平港入攻之焚獲三十餘船俘賊千餘水陸並進連五戰皆破敗二月朔復盡焚洲仔尾之柵與南汕來襲之船賊大敗困守北汕如獸在阱會七日風潮驟漲北汕所沉舟爲風浪掀起漂去賊奪門出官兵追截其船十餘卒以閩師不助扼各港長庚所將水師卒僅三千餘故賊竟遁去長庚奏言蔡逆未能殲禽者實由兵船不得力接濟未斷絕所致臣所乘之船較各鎮爲最大及偏近蔡牽坐船尙低五六尺其餘諸鎮之船更爲

不及曾與三鎮總兵願預支養廉捐造大船十五號海門金壇二鎮亦願捐造十五號而督臣以造船需數月之久借帑四五萬兩之多不肯具奏且海賊無兩載不修之船亦無一年不壞之楫料桅柁抗則船爲虛器風蓬爛則寸步難往乃逆賊在鹿耳門窺出僅餘三十船蓬朽碇缺一回閩地裝蓬燻洗煥然一新糧藥充足賊何日可滅上禱玉德職逮問治罪以阿林保代之時閩文武吏以不協勦不斷岸奸懼獲罪交譖長庚于新督阿林保阿林保即三疏密劾之時浙撫阮元以憂去上密詢浙撫清安泰清安奏奏言長庚熟海島形勢風雲沙線每戰自持柁老于操舟者不能及且忘身殉國兩載在外過門不入以捐造船

械傾其家貲所俘獲盡以賞功故士爭效死且身先士卒
屢冒危險八月中勦賊漁山圍攻蔡逆火器瓦石雨下身
受多創將士亦傷百有四十人鏖戰不退故賊中有不畏
千萬兵只畏李長庚之語實水師諸將冠惟海艘越兩三
旬若不燂洗則苔粘蟄結駕駛不靈其收港并非逗留且
海中勦賊全憑風力風勢不順雖隔數十里猶數千里旬
日尚不能到也是故海上之兵無風不戰大風不戰大雨
不戰逆風逆潮不戰陰雲蒙霧不戰日晚夜黑不戰颶期
將至沙路不熟賊衆我寡前無泊地皆不戰及其戰也勇
力無所施全以大礮相轟擊船身簸蕩中者幾何我順風
而逐賊亦順風而逃無伏可設無險可扼必以鉤鏃去其

皮網以大礮壞其舵牙蓬胎使船傷行避我師環而攻之
賊先投海然後獲其一二船而餘船已飄然遠矣賊往來
三省數千里皆沿海內洋其外洋瀕瀚則無船可掠無壘
可依從不敢往惟遇勦急時始間以爲遁逃之地倘目色
西沈賊直竄外洋我師冒險無益勢必回帆收港而賊又
遁誅矣且船在大海之中浪起如升天落如墜地一物不
固即有覆溺之憂每遇大風一舟折桅全軍失色雖賊在
垂獲亦必舍而收泊易桅竣工賊已遠遁數日追及桅壞
復然故嘗屢月不獲一賊夫船者官兵之城郭營壘車馬
也船誠得力以戰則勇以守則固以追則速以衝則堅今
浙省兵船皆長庚督造頗能如式惟兵船有定制而閩省

商船無定制一報被劫則商船即爲賊船愈高大多礮多糧則愈足資寇近日長庚勦賊使諸鎮之兵隔斷賊黨之船但以隔斷爲功不以禽獲爲功而長庚自以已兵專注蔡逆坐船圍攻賊行與行賊止與止無如賊船愈大礮愈多是以兵士明知盜船貨財充積而不能爲禽賊禽王之計且水陸兵餉例止發三月海洋路遠往反稽時而事機之來間不容髮遲之一日雖勞費經年不足追其前効此皆已往之積弊也非盡矯從前之失不能收將來之效非使賊盡失其所長亦無由攻其所短則岸新濟賊之禁尤宜兩省合力乃可期效奏入上切責阿林保甫蒞任旬月卽專以去長庚爲事倘朕輕信其言豈不自失良將嗣後

勦賊事責成長庚一人阿林保倘忌功掣肘則玉德卽其前車之監并飾造大同安梭船三十其未成以前先雇大商船備勦十月長庚追蔡牽於粵洋殲其姪蔡天來之船十二年春擊牽于粵之大星嶼十一月擊牽于閩之浮鷹島十二月幸福建水師提督張見陞等追牽入澳究其所向至黑水外洋牽僅存三舟長庚擊破牽舩蓬又自以火攻船維其後艏賊急發艏尾一礮適中長庚喉而殞是時閩粵水師合勦數十倍于賊少持之立可殲滅而張見陞庸懦且狃于閩師左次無咎也遙見總統船亂遽麾舟師退牽乃遁入安南夷船事聞上震悼追封壯烈伯益忠毅命原籍同安縣立專祠以長庚裨將王得祿邱良功嗣其

任勉以同心敵愾為長庚雪讐憤時蔡率朱潰窺臺灣不獲則屢繞窺臺灣後山之噶仔蘭為土民生番擊退詔收入內地毋為賊踞其漳泉赴臺買米之船令兵船配行渾其旗幟以誘賊十三年率自安南回棹朱潰資之復與潰合幫八浙并與土盜張阿治相應巡撫阮元復蒞任用間離之潰復舍率竄閩俄為許松年轟斃弟朱渥領其眾率亦為浙兵擊敗竄閩乃并力勦張阿治又訪禽其母與弟于閩之惠安阿治乃率其黨五百人礮八十餘乞降又小差幫駱亞盧亦為提督邱良功所殲浙洋土盜平明年七月朱渥亦率眾三千餘徼船四十二礮八百餘降于閩于是浙江提督邱良功福建提督王督祿合勦蔡率於定海

之漁山俱乘上風賊懼東南遁轉戰至黑水深洋偪賊船火攻之夜半風浪并怒不得登賊船隨浪斂出明日仍據上風截之各舟師環攻賊且戰且逃傍午逾黑水洋見綠水良功懼賊暮遁外洋大呼以已舟駢于賊舟東閩舟駢於浙舟東賊蓬與浙蓬結浙蓬毀賊以棹札浙船決死戰矛貫良功腓浙船毀掙脫出閩船復駢于賊船賊夥黨舟皆為諸鎮所隔不能援救率船僅餘三十賊鉛丸罄以番銀作礮子王得祿亦受傷揮兵火其尾樓復以坐船衝斷其舵牽知無救乃首尾舉礮自裂其船沈于海詔封王得祿二等子邱良功二等男于是閩浙二洋巨盜皆滅論者謂賊之生死在閩浙之合不合前此賊屢困于浙而閩不

協力至是閩浙合而賊遂殲矣惟粵洋之艇賊獨存初安南夷艇敗竄其餘黨留粵者共五幫曰林阿發曰總兵保日郭學顯曰烏石曰鄭乙嘉慶十年有會匪李崇玉與艇賊通官捕急逸于海竄各幫內兩廣總督那彥成誘禽之給給五品頂戴又招降洋匪三十餘請賞頂戴銀兩上以那彥成不勦先撫濫給官職且皆懸賞購募非究覺求生致有爲民不如爲盜之謠恐貽後患召還以吳熊光代之十一年吳熊光奏言高州府之吳川雷州府之遂溪爲通洋盜藪宜禽匪徒塞港口以清其源并禁商民代駕暹羅貨船進口貿易以防代銷盜賊之弊其澄海縣民領照買暹羅米者回棹多不符數禁止之至粵礦缺產而夷船壓

船鹹沙亦可煎硝請于進口時收買從之十四年百齡代吳熊光督粵禁岸奸接濟益嚴盡改粵糧水運爲陸運其南澳廳及瓊州隔海者以兵護送其硝磺各廠亦改商歸官賊外洋無可劫乃冒死撥小船入掠內河官兵先後捕斬是秋總兵許廷桂擊殲盜首總兵保圍其數十船適鄭乙幫之張保仔三百餘艘蜂擁而至據上風衆寡不適許廷桂敗死張保仔遂入掠香山之大黃捕百齡調兵內外夾攻斷其走路賊旋突圍遁奏劾提督孫全謀總兵順德等軍無節制置塞港之石舟與焚賊之火艇皆不用失機誤事詔革職戴罪效力時粵賊惟郭學顯鄭乙妻二大幫至是郭賊決計出降與鄭乙幫力閉會鄭夥三百餘奪船


十一自率眾五千餘大小船九十餘礮四百餘入平海投
 獻時鄭乙死已久其妻思降未決而張保仔代領其眾至
 是屢為官兵所蹙鄭乙妻遂于十五年二月先詣省城乞
 降令張保仔率眾萬有六千船二百七十餘艘礮千餘赴
 香山海口百齡親往受之赦令隨軍自贖乃檄各鎮會勦
 烏石幫于儋州盡俘其眾又降東海幫林阿發等三千四
 百餘粵賊平詔以粵東嚴斷接濟力行團練賊不能上岸
 掠食而安南臣服以來又無處銷贓是以究蹙投誠皆百
 齡號令嚴明所致賞輕車都尉世職是年蔡率餘黨千有
 三百亦降于福建

臣源曰嘉慶十五年詔言國家經理大事當扼其要領譬

治病當究其病源如勦教匪則堅壁清野為要靖洋匪則
 杜絕岸竄為要大哉王言可謂戰勝廟堂之上矣人知海
 賊之巢穴在島洋而不知海賊之生資皆在陸岸岳武穆
 言以官兵攻水賊則難以水賊攻水賊則易若乃不攻水
 賊而坐制水賊之命尤折衝上計哉邇者英夷猖獗朝廷
 慨然思樓船伏波之將然使非將相同心督撫協力收沿
 海之梟徒聯效順之島國則我不能以夷攻夷而彼反能
 以漢攻漢嗚呼此戚繼光所以流涕于江陵宜黃也

譚綸
且黃
人三邊
總督

他山之石卷二終



Blank page with a rectangular border and faint vertical lines, possibly indicating a table or columns of text that are illegible due to fading.

竹山先生文集卷二

七

